



Instrución para os autores da Universidade da Coruña (UDC) sobre a filiación institucional de publicacións científicas

Introdución

Esta instrución ten como obxectivo garantir o uso correcto e consistente da filiación institucional da Universidade da Coruña nos resultados da investigación. Isto facilitará o seguimento da produción científica da UDC e a visibilidade dos autores nas bases de datos de publicacións, repositorios, buscadores na rede, etc. A correcta identificación das publicacións da UDC, ademais de asegurar prestixio académico para a Universidade, garante tanto a recuperación das publicacións e das citas por elas recibidas como a adecuada obtención de indicadores, aspecto este de gran importancia no financiamento da Universidade.

En consecuencia, o motivo desta instrución é duplo: que en todas as publicacións realizadas por autores da UDC apareza sempre citada a Universidade, e que esa cita sexa homoxénea para evitar a dispersión da produción científica.

A instrución aplícase a todo o persoal académico e investigador, fixo ou temporal, e aos estudantes cuxos resultados de investigación deriven do seu traballo na Universidade, ben por becas de investigación ou por calquera outra forma de utilización de instalacións, recursos e servizos da Universidade. Aplícase tamén aos profesores honorarios, e a todo o persoal da UDC vinculado a varias institucións (sector hospitalario ou outra institución/centro de I+D+i) ou con outros acordos de asociación. A UDC debe ser citada cando a institución teña feito unha contribución necesaria, independentemente do emprego formal do autor ou do financiamento do seu posto.

Todos os autores da UDC teñen a responsabilidade individual de asegurar que nas súas publicacións empregan o acordado nesta instrución (*)

Instrución

1. Todos os autores da UDC deben citar á **Universidade da Coruña** como a súa base de investigación institucional cando teñan que introducir os datos da súa filiación en artigos de investigación, ponencias e outras publicacións.
2. **Universidade da Coruña** debe escribirse desta forma completa, en galego, sen siglas nin abreviaturas. No suposto de que fose necesario referenciar *adicionalmente* á institución en inglés, a forma utilizada será “University of A Coruna”.
3. **Universidade da Coruña** deberá rexistrarse como o primeiro elemento ao introducir a filiación. Que apareza en primeiro lugar asegura que tanto a UDC como o Grupo de Investigación, Departamento, Instituto, Facultade ou Escola reciben recoñecemento.

(*) A Ley 14/2011 da Ciencia, a Tecnoloxía e a Innovación (art. 15 j) determina entre os deberes do persoal investigador o de utilizar a denominación das entidades para as que presta servizos na realización da súa actividade científica, de acordo coa normativa interna de ditas entidades e os acordos, pactos e convenios que éstas subscriban.

UDC: Aumentar a visibilidade forma parte das liñas do Plano Estratégico 2013-2020, aprobado polo Claustro o 4-12-2013.



Cando excepcionalmente isto non sexa posible, **Universidade da Coruña** debe figurar de forma visible hacia o principio da filiación, e en calquera caso non máis lonxe do terceiro elemento dentro da cita. Doutro xeito, existe un risco real de que a institución non sexa acreditada nas análises externas de lectura mecánica de datos bibliométricos.

4. O Grupo de Investigación, Departamento, Instituto ou Facultade/Escola poden aparecer como elementos secundarios da filiación se hai espazo suficiente, mais nunca a expensas de omitir **Universidade da Coruña**. Estas filiacións secundarias pódense escribir en galego, castelán ou inglés, segundo conveña, e usar acrónimo de existir. Na web da UDC están listados os nomes nos tres idiomas

https://www.udc.es/centros_departamentos_servizos/areas/
https://www.udc.es/centros_departamentos_servizos/departamentos/
https://www.udc.es/centros_departamentos_servizos/centros/

5. Filiación institucional múltiple dun mesmo autor.

No caso de autores con pertenza a mais dunha institución, ou que dentro da UDC pertencen a varias unidades que teñan dependencias diferentes, é recomendable realizar varias firmas e rexistrar por separado cada unha delas, garantindo que a Universidade da Coruña está incluída. Esta práctica tamén mellora a visibilidade e os índices de valoración dos investigadores.

5.1 Persoal asociado a dúas ou máis institucións:

- No caso de investigadores de **centros mixtos dependentes de varias institucións**, se cumprirá o recollido ao respecto nos convenios ou acordos, pero sempre debe aparecer a Universidade da Coruña en primeiro ou segundo lugar (sen usar siglas nin abreviaturas).
- Os investigadores **vinculados a varias institucións** (sector hospitalario ou outra institución de I+D+i) que ademais sexan persoal académico da UDC, deben incluír a filiación á Universidade da Coruña en primeiro lugar (sen siglas nin abreviaturas) xunto coa filiación da outra institución.

5.2 Persoal visitante que realice estadias noutras universidades ou centros de investigación.

Recoméndase indicar a dobre filiación, tanto á institución de orixe como á de destino. En todo caso:

- Os investigadores da UDC que realicen estadias temporais deberán manter a súa filiación coa Universidade da Coruña.
- O persoal doutras institucións que realicen estadias na UDC filiarán á Universidade da Coruña as publicacións que total ou parcialmente estean relacionadas coa dita estadia.

6. Dirección, código postal, cidade e País. Son datos relevantes e hai que poñer, ao menos, o código postal, a cidade e o país. Recoméndase como máis sinxelo poñer o nome do Centro e a zona do Campus (Elviña, Zapateira, Oza, Bastiagueiro, Riazor, Esteiro, Serantes). Todos os centros da UDC poden utilizar o código postal de correspondencia para organismo oficial: 15071 para o Campus de A Coruña e 15471 para o Campus de Ferrol. O nome do país pode ir en español ou en inglés (España/Spain), dependendo do contexto nacional ou internacional.



Firma dunha publicación ou contribución científica

| | |
|---------------------------------|---|
| Datos do autor: | Nome do autor * (obrigatorio) ORCID ** (recomendado) |
| Filiación institucional: | Nome da institución: Universidade da Coruña (obrigatorio) Nome do grupo de investigación, departamento, instituto ou centro (opcional) Dirección, código postal, cidade e país (obrigatorio) |

A dirección de correo electrónico debe ser a institucional proporcionada pola UDC coa forma usuario@udc.es / usuario@udc.gal

Algúns exemplos e informacións complementarias inclúense nun apéndice á presente instrución.

A Coruña, 17 xuño de 2016

O Vicerreitor de Política Científica, Investigación e Transferencia

Salvador Naya Fernández

* **Nome do autor:** É importante que se utilice sempre a mesma forma e grafía, evitando abreviaturas. A causa das prácticas de indexación anglosaxonas, recoméndase incluír **un guión** entre aqueles elementos que as bases de datos non deberían separar cando o autor desexa que apareza (nomes de pila compostos, dous apelidos, apelidos compostos).

** **ORCID (Open Research & Contributor ID)** servizo gratuito que proporciona un identificador dixital único para os autores do ámbito científico e académico. Ter un número ORCID é a vía óptima para identificarse univocamente como autor, e atribuírselle correctamente todas as súas publicacións. Ademais, permite enlazar con outros perfís persoais como o [Research ID de Wos of Science](#), [Scopus ID](#), [Google Scholar Citations](#)



Apéndice

(Instrución para os autores da Universidade da Coruña (UDC) sobre a filiación institucional das publicacións científicas)

A) Propósito

Recentes análisis bibliométricos realizados polo Servizo de Biblioteca mostran que durante o período de 1990-2015, nas publicacións que corresponderían estar filiadas á Universidade da Coruña aparecen mais de 400 variantes de nomes sen estar citada a institución. Doutra parte, nas publicacións que aparecían filiadas á Universidade deróñse máis de 70 variantes do nome da UDC. Isto perxudica tanto aos autores como á Universidade, restándolles visibilidade e financiamento. Aínda que a situación vaia corrixindo, a colaboración de todos os autores é imprescindible para evitar a perda e dispersión da actividade investigadora nas bases de datos que recollen e referencian a produción científica das institucións.

B) Exemplos. Os seguintes exemplos creáronse para orientar na aplicación da instrución:

Modelo xeral:

Nome do Investigador [<http://orcid.org/0000-0000-0000-0000>]

Universidade da Coruña, Grupo de Investigación /Departamento/Instituto/Facultade/Escola (según sexa aplicable), Nome do Centro e zona do campus (Elviña/ Zapateira/ Oza/ Bastiagueiro/ Riazor/ Esteiro, Serantes), 15071 A Coruña / 15471 Ferrol (según proceda), España/Spain (según proceda).

Exemplos:

Nome do Investigador [<http://orcid.org/0000-0000-0000-0000>]

Universidade da Coruña, Grupo de Xenética de Organismos Mariños, Departamento de Bioloxía Celular e Molecular, Facultade de Ciencias, Zapateira, 15071 A Coruña, Spain

Nome do Investigador [<http://orcid.org/0000-0000-0000-0000>]

Universidade da Coruña, Facultad de Derecho, Elviña, 15071 A Coruña, España

Nome do Investigador [<http://orcid.org/0000-0000-0000-0000>]

Universidade da Coruña, Models and Applications of Distributed Systems (MADS), Faculty of Computer Science, Elviña, 15071 A Coruña, Spain

Exemplo de Instituto:

Nome do Investigador [<http://orcid.org/0000-0000-0000-0000>]

Universidade da Coruña, Grupo de Neurociencia e Control Motor (NEUROcom), Instituto de Investigación Biomédica de A Coruña (INIBIC), Oza, 15071 A Coruña, Spain
(Podense realizar outras filiacións institucionais separadas, como nos exemplos seguintes)

Exemplo de autor con varias firmas: (1, 2, 3)

Nome do Investigador [<http://orcid.org/0000-0000-0000-0000>]

(1) Universidade da Coruña, Grupo de Polímeros, Centro de Investigacións Tecnolóxicas (CIT), Esteiro, 15471 Ferrol, Spain

(2) Universidade da Coruña, Departamento de Física, Facultade de Ciencias, Zapateira, 15071 A Coruña, Spain

(3) Imperial College London, Polymer and Composite Engineering (PaCE) group, South Kensington, London SW7 2AZ, UK



Exemplo de autor vinculado a varias institucións: (1,2)

Nome do Investigador [<http://orcid.org/0000-0000-0000-0000>]

(1) Universidade da Coruña, Grupo Fisiopatoloxía Endocrina, Nutricional e Médica, Departamento de Medicina, Facultade de Ciencias da Saúde, Oza, 15071 A Coruña, Spain

(2) Complexo Hospitalario Universitario A Coruña (CHUAC), Servizo de Endocrinoloxía, Xubias de Arriba 84, 15006 A Coruña, Spain

Exemplo de persoal da UDC visitante (1,2)

Nome do Investigador [<http://orcid.org/0000-0000-0000-0000>]

(1) Universidade da Coruña, Department of Industrial Engineering, Higher Polytechnic University College, Esteiro, 15471 Ferrol, Spain

(2) University of Tsinghua, School of Materials Science and Engineering, Beijing 100084, China

Información complementaria

Recoñecemento do financiamento nas publicacións. Asegúrese de que as súas publicacións cumpren cos requisitos dos financiadores das axudas. Aínda que é fácil pasalo por alto xa que os editores a menudo non o solicitan, é importante recordar que a maioría das entidades financiadoras das investigacións requiren que os autores recoñezan o seu patrocinio nos resultados da investigación.

Xunto cos datos da publicación, debe enviarse o recoñecemento da subvención para que esta información apareza na sección de agradecementos do material publicado.

Teña en conta tamén as políticas dos financiadores relacionadas co acceso aberto e cos datos xerados durante o proceso de investigación (*)

* **Acceso aberto ás publicacións.** Os investigadores que participen en proxectos de investigación financiados pola Unión Europea a través do programa Horizonte 2020 ou polo Goberno de España están obrigados a depositar en acceso aberto as publicacións resultantes. **Consiga o seu espazo dixital:** Os autores poden depositar no [RUC \(Repositorio Institucional da UDC\)](#) as publicacións en Acceso Aberto, e logo poden enlazar desde aquí con servizos externos como [ResearchGate](#) ou [Academia.edu](#). Estas redes profesionais para científicos e investigadores son ferramentas de grande utilidade para axudar a promover a súa investigación.

***Datos da Investigación.** É un requisito de certos provedores de fondos de investigación, e nestes casos debe incluír na súa publicación unha declaración que indique a ubicación e accesibilidade dos datos subxacentes á investigación.